

PROLOGO

Este libro contiene pasajes de las Sagradas Escrituras traducidos al idioma machiguenga. Los pasajes selectos del Antiguo Testamento fueron escogidos a fin de dar un trasfondo para la mejor comprensión del Nuevo Testamento que está traducido en su totalidad. El Indice de pasajes selectos del Antiguo Testamento servirá para indicar al lector cuáles pasajes están incluidos en esta traducción.

Si un versículo de cualquier pasaje del Antiguo Testamento no aparece en su totalidad, se indica la omisión con el signo "...". (Véase los ejemplos en Génesis 24.61 y 25.9,11, y en Números 10.10.)

Donde se vió conveniente presentar un resumen en vez de una traducción, o donde se necesitaba una transición para pasar de una historia a otra, el material se encuentra en letra bastardilla. (Véase el ejemplo al final del capítulo 13 de Génesis, y también entre los versículos 31 y 38 del capítulo 31 del mismo libro.)

También se emplea letra bastardilla para los términos que aparecen en el castellano en las notas al pie de las páginas y también en el Glosario. (Véase, por ejemplo, la frase "su sobrino" en la nota al pie de la página que acompaña Génesis 13.1, y la palabra "aceite" en el apunte "Aseite" en el Glosario.)

Una de las diferencias entre los dos dialectos mayores hablados por los machiguenga es la presencia, o la falta, del prefijo personal "a—" para indicar el sujeto primera persona inclusiva. Mayormente se utiliza este prefijo en la zona del Bajo Urubamba, y sus afluentes, y en el Manu, mientras en el Alto Urubamba no se emplea. Como esta traducción lo utiliza, se ruega a los lectores que no lo utilizan pasarlo por alto.

JENESHI

Yovetsikagetakerora Tasorintsi magatiro

1 1 Pairani^a okyasanokyara itsititanake Tasorintsi yovetsikagetakerora magatiro oketyo yovetsikake inkite ontiri kipatsi. 2 Ogari kipatsi pairatamatatake tera onegintetempsa. Mamerigitematake aikiro tera tatakona timantumatemparone, aikiro pavatsaasetakomataka magatiro menkorisekantamatake. Yogari Isure Tasorintsi ario inake kara enoku ichoenitakotakaro omaraani nia.

3 Impogini ikanti Tasorintsi: “iMaika onkoneagitetanakera!”

Impo oga okenake okoneagitetenake. 4 Impo ineakero Tasorintsi kametigitematake ovashi yashirikotakero pavatsaari. 5 Ogari koneagiteri ipaitakero “kutagiteri”. Ogari pavatsaari onti ipaitakero “sagiteri”. Mataka ganaka patiro kutagiteri.

6 Impo ikanti: “Maika ovegitetanakempara menkoriseku ontimakera nia enoku ontiri aikiro savi.”

Impo oga okenake okañotanaka maika. 7 Yovegiteakero menkorisevetankicharira. Ogaari nia onti onagarantake savi, pashini onake enoku. 8 Ogari vegiteanankicharira ipaitakero “inkite”. Atake apitetanaka kutagiteri.

9 Impo ikanti aikiro: “Maika ampatoagetanakempara nia nankitsirira savi kameti ompiriatanakera orovatsatanakera.”

Impo oga okenake okañotanaka maika. 10 Ogari orovatsantanankitsirira ipaitakero “kipatsi”. Ogari patoagetanankicharira ipaagetakero “omaraapageni nia”.

Impo ineakerora kametigetake magatiro 11 ikanti: “Maika oshivokagetanakera shimpenshipage kipatsiku ontiri pankirintsipage timagetankitsinerira okitsoki ontiri aikiro timagetankitsinerira oi. Patiropage oga ontimake okitsoki shivokagetankitsinerira.”

^a 1.1 Jeneshi Génesis onti onkantakera “otsitgetakara magatiro”.

Impo ario okañotaka. 12 Oshivokagetenake magatiro. Inea-kero Tasorintsi kametitake. 13 Atake omavatanaka kutagiteri.

14-15 Impo ikanti: “Maika intimakera enoku inkiteku kutagitetakotantankitsinerira kameti ashirikotakeniri kutagiteri ontiri sagiteri ontiri aikiro kameti irogotantakenkanira kutagiteripage, shiriagarinipage, magatiro.”

Impo ario okañotaka. 16 Yovetsikakeri piteni kutagitetakotantankitsinerira imarapagerikatyō kara. Yogari pairorira ya-visake imaranetakera onti inkutagitetakotantake kutagiteriku. Yogari ityomiakonanirira onti inkutatakera sagiteniku. Aikiro yovetsikagetakeri impokiropage. 17 Yogagetakeri enoku inkiteku kameti inkutagitetakotakerora kipatsi 18 kutagiteriku on-tiri sagiteniku ontiri aikiro kameti ashirikotakeniri kutagiteri ontiri sagiteri. Impo ineagetakeri kametigetake. 19 Atake apitepagetanaka kutagiteri.

20 Impo ikanti: “Maika intimage takera niaku posantepage shimapage intiri aikiro pashinipage oaakunirira. Aikiro inti-magetakeri aragetatsirira enoku.”

Impo ario okañotaka. 21 Yovetsikagetakeri imarapageni ti-maantagetakarorira omaraani nia intiri aikiro posantepage oaakunirira intiri aikiro posantepage aragetatsirira.

Impo ineakeri kametigetake 22 iniaigakeri ikanti: “Maika pintovaiganakera pintsotenkajaiganakerora omaraapageni nia

pampaagaiganakemparora. Ario inkañotake aragetatsirira intovaigavagetañakera.”

23 Atake otsonkavakoanaka kutagiteri.

24 Impo ikanti Tasorintsi: “Maika intimagetanakera kipatsiku posantepage kamarigetatsirira impiragetañakenkanirira intiri noshikagetacharira intiri aikiro kamarigetatsirira inkenishikunirira.”

Ario okañotaka. **25** Yovetsikagetañakeri maganiropage impo ineaigakeri kametigetake.

26 Impogini ikanti: “Maika tsame avetsikaigakera matsigenka ankañotagaigañakempara aroegi irishigasanoigakaera. Iravisaigakeri maganiro timaagetatsirira niaku intiri aragetatsirira intiri aikiro kamarigetatsirira impiragetañakenkanirira intiri inkenishipagekunirira. Iravisaigakeri aikiro noshikagetacharira kipatsiku.”

27 Antari yovetsikakerira Tasorintsi matsigenka ikañotagaka irirori.

Yovetsikakeri surari ontiri tsinane.

28 Impo iniaigakeri ikanti:

“Pintomintaiganakempara intovaigavageiganakera piyashikiiganakerira

pintsoñenkagiteavageiganakemparora kipatsi pagaveageigakerora magatiro.

Paviaigakerira timaagetatsirira niaku intiri aragetatsirira

intiri aikiro maganiro kamarigetatsirira.”

29 Impo ikantaigiri: “Atsi geka maika viroegi nompaigakempiro magatiro shivokagetañkitsirira kipatsiku timagetankitsirira okitsoki ontiri aikiro timagetankitsirira oi iroro pogaiñakempi. **30** Kantankicha maganiro kamarigetatsirira timagetankitsirira inkenishiku intiri noshikagetacharira intiri aikiro aragetatsirira onti nompaigakeri shimpennashipage ontiri oshipage iroro irogaigakempi iriroegi.”

Impo ario okañotaka. **31** Impo ovashi ineañero magatiro yovetsikagetañakerira kametimatake. Atake aganaka 6 kutagiteri.

2 ¹Ogari inkite ontiri kipatsi mataka gatagetaka magatiro ontiri aikiro timantagetakarorira. ²Impo yogari Tasorintsi yapishigopireantakaro kutagiteri 7, yagatagetakerotari magatiro yovetsikagetañakerora. ³Impo yashirikotakero oga kut-

giteri 7 ikantake ampishigopireantakenkanira ontitari irashi igutagiterite, irorotari yapishigopireantakarira yovetsikagetakerora magatiro. ⁴Ario okañotaka maika yovetsikagetakerora Tasorintsi inkite ontiri kipatsi.

Tasorintsi yogakerira Aran pankirintsishiku

Antari okyara yovetsikakerora ⁵tera optimumate shivokagetankitsinerira, tekyatanika irogivarigumateronika inkani, aikiro tekyatanika intime tyanimpa tsamaitakerone. ⁶Kantankicha onti otinkamisekantake kipatsiku kameti ontsinkavattsakeroniri. ⁷Impogini yogari Tasorintsi yagakero kipatsipane yovetsikakeri matsigenka, itapigakeri igirimashiku yoganiakerira ovashi yanianake.

⁸Impogini Tasorintsi ipankitake pankirintsipage Erenku oatakara ikontetira poreatsiri. Ario kara yogakeri matsigenka yovetsikakerira, irirotari Aran.^b ⁹Karari kara pankirintsishiku ishivokakagakero posantepage pankirintsi ogametirepagetyo kara timagetatsirira oi ogaganirira. Antari nigankishiku yogakero aikiro inchato ganiantatsirira ontiri aikiro inchato timatsirira oi ogenkanira ogotakenkani tyati kametitankitsi ontiri aikiro tyati terira onkametite.

¹⁵Antari yogakerira kara Aran intsamaitakerora, aikiro irisentakerora ¹⁶ikantakeri: “Maika kametitake pogakemparora oipage magatiro pankirintsipage, ¹⁷intagati oga timatsirira oi ogotantanaganirira tyati kametitankitsi aikiro tyati terira onkametite iroro pinkante gara pogaro. Antari pogakemparika onti pineanakero pigamane.”

¹⁸Impogini ikanti Tasorintsi: “Tera onkametite irapunkempara matsigenka paniro. Novetsikakenerityo kañotakemparinerira irirori intentakemparira mutakotakerinerira.” ¹⁹Impogini yamagetakeneri maganiro yovetsikagetakerira kamarigetatsirira inkenishikunirira intiri maganiro aragetatsirira. Iriroegi aikiro onti yovetsikantagetakari kipatsipane. Onti yamagetakeneri kameti impaigetakerira. Impo tyarika ipaigetakeri kantake ipaigetakara. ²⁰Ipaigetakeri maganiro kamarigetatsirira ipirataganirira intiri maganiro aragetatsirira intiri

^b 2.8 Aran Adán: evereoku onti onkantakera “matsigenka”.

aikiro maganiro kamarigetatsirira inkenishikunirira, kantankicha tera intumamate paniro kañotakemparinerira irirori intentakemparira irimutakotakerira. **21** Ovashi yogimagakeri Tasorintsi inoshikakerora imeretatonki, impo yapatajairi. **22** Ogari imeretatonki yovetsikakero tsinane ipakerira. **23** Iroro ineakerora ikanti:

“iOkari oka ont i notonki, aikiro ont i novatsa! Maikari ompaitakempa tsinane, irirotari oponiantaka surari.”^c

24 Nerotoyo yogari surari gankitsinerira tsinane iokanakeri iriri ontiri iriniro iriatakerera iragakerora inkantakan i mpanirotanakero. Antari okyara tekyara iragero piteni inaigavetaka, kantankicha antari yaganakerora oga ikenake itentaganakaro kañomataka panironirikatyo inai.

25 Yogari surari ontiri itsinanetsite inogatsantsaigavetaka okyara, kantankicha teratyō impashiventaigempa.

Aran ontiri Eva tera inkematsaigeri Tasorintsi

3 **1** Kantankicha yogari maranke païrotyo yogovageti yamavitanitira yavisagetakerityo maganiropage kamarigeta-tsirira inkenishikunirira yovetsikagetakerira Tasorintsi, nerotoyo ikantantakarorira tsinane:

—¿Arisano ikantaigakempi Tasorintsi gara pogumaigar oga pankirintsipage?

2 Irorori okantiri:

—Kametitaketyo nogaigakemparora magatiro, **3** intagati-tyo oga pankirintsi nankitsirira nigankishiku iroro pinkante gara nogaigar o, ikantaketari Tasorintsi: ‘Gara pogumaigar o, aikiro gara pitsagatumai giro.’ Antari nogaigakemparorika ont i noneaganakero nogamane.

4 Kantankicha irirori ikantiro:

—Garatyō pineai giro pigamane. **5** Yogotaketari Tasorintsi pogaigakemparorika ont i pogovageiganake viroegi aikiro tyati kametitankitsi, aikiro tyati terira onkametite ovashi pinkañoi-ganakempari irirori.

6 Impo oshonkanaka oneitarotyo oi ogametirepagetyo kara kametimataketyo pogemparora, aikiro osurematanakarotyo

^c **2.23** Tsinane, surari: evereoku tsinane ont i okantagani *ishshah*; surari ont i okantagani *ish*.

ogovagetakera. Ovashi okuaitake ogakarora impo opakeri aikiro ojime yogakaro. ⁷Ogatyo ikenaigake yogotapagenityo onti inogatsantsaigake ovashi yavovitashiigaka igerashi itikaikoigakara.

⁸Impogini ochapinienkatanakera otampiaenkagitetanaira ikemaigakeri iniakera Tasorintsi yanuivagetakera anta pankirintsishiku ogatyo ikenaigake ishigaiganakara yomanapitsaigakarira pankirintsipageku. ⁹Kantankicha yogari Tasorintsi ikaemakeri ikantiri:

—Aran, Aran, ñtyara pinake kara?

¹⁰Irirori ikanti:

—Nokemavakempira piniapaakera notsaroganake, noneaketari onti nonogatsantsatake nomanantakarira.

¹¹Impo ikantiri:

—¿Tyanityora kamantakempira ario pinogatsantsatake? ¿Ario pogakaro oga pankirintsi nokantakempirira gara pogaro?

¹²Irirori ikanti:

—Ogarí tsinane pipakenarira nontsipatakemparira opakenaro ovashi nogakaro.

¹³Impo Tasorintsi ikantiro irorori:

—¿Antari gara pikañotiro maika?

Irorori okanti:

—Intitari matavinatakena maranke nogantakarorira.

¹⁴Ovashi ikantakeri maranke:

—Pikañovintsatakerora maika nonkisashitakempi païrotyo pogagavagetakempa iravisavageigakemptyo maganiro kamarigetsirsira. Onti pinoshikempa pinegiku kantanakaviniroro, aikiro onti poguntevagetempa kipatsipane. ¹⁵Maika gara pišinetumataaro tsinane ovashi piyashikivagetanake. Ario onkañotake irorori gara oshinetumataimpi ovashi oyashikivagetanake. Yogari oyashikitanakerira ishipetasetakempi pigitoku, virokya gavonkititakerine itsonagitiku.

¹⁶Impo ogari tsinane ikantiro:

—Maika nantsipereakagavagetakemptyo kara pankamonkitera. Ario onkañotake aikiro pimechotera pantsipereavage-taketyo ogatsika, kantankicha atanatsityo pinkogakera pisuraritakotakera, aikiro inti pinkematsate pisuraritsite, irirotari shintakempine.

17 Irirokya surari ikantiri:

—Pikematsavintsatakerora pitsinanetsite pogakarora nokantakempirira gara pogaro maika nonkisashitakemparo kipatsi ganige okametitasanotai, vironiroro kañotagantakero. Pantspereaventavagetakero piseka pintsamaitakotakerora kantanakaviniroro. **18** Oshivokagetonake kutopage aikiro onti pogagetanakempa shivokagetatsirira inkenishiku. **19** Pimasaviventavagetakero piseka niganki aganaempa pimpeganataempa rira kipatsi, irorotari piponiantaka okyara. Kipatsitari pinake pimpeganemptayo kipatsi.

20 Yogari Aran ipaitakero itsinanetsite Eva, irorotari yashi-kiigakerine maganiro timaigankitsinerira. **21** Yogari Tasorintsi yagake imeshina kamarigetatsirira yovetsikaigakenerira imanchaki yogaguigakerira. **22** Impo ikanti: “Maika yoga matsigenka mataka kañotaka aroegi, yogotaketari tyati kametitankitsi, aikiro tyati terira onkametite. Maika tsikyanira yogarokari aikiro oga ganiantatsirira ovashi gara ineairo igamane.”

23 Nerotyo yoneagantakaririra pankirintsishiku iokakeri parikoti intsamaitakerora kipatsi yovetsikantunkanirira. **24** Antari yoneagakarira yogaigakeri kerovine^d intikakoigakerora inchato ganiantatsirira. Onti yogaigakeri oatakara ikontetira poreatsiri. Aikiro yogake savuri poamamenitaketyo kara aratsantsaenkagematityo kantakani otiontamenitakara ganiri tyani atumatatsi kara.

^d 3.24 Kerovine querubín: kamosotero resumen giatapaakerorira Ek. 25.9.

IRINIANE TASORINTSI

Peru
Machiguenga

NT, OT (SL)

1997

Snell

BL

[South Holland, IL]
[United States]

B211203



LA LIGA BÍBLICA

Las Sagradas Escrituras
en el idioma machiguenga
del Perú

Primera edición 4M 1976
Segunda edición revisada 1997

© The Bible League 1997